



REPUBLIKA E SHQIPËRISË  
AVOKATI I POPULLIT



Adresa: Bulevardi: "Zhan D'Ark"  
Tiranë, Shqipëri

Tel/Fax: +355 4 2380/315  
E-mail: [ap@avokatipopullit.gov.al](mailto:ap@avokatipopullit.gov.al)  
[www.avokatipopullit.gov.al](http://www.avokatipopullit.gov.al)

Nr. 79 Prot.

Tiranë 24/03/2017

**Lënda:** Kërkesë për informacion

**Drejtuar:** Kontrolli i Lartë i Shtetit  
z. Bujar Leskaj

Drejtoria e Përgjithshme e Parandalimit të Pastrimit të  
Parave  
z. Alket Hyseni

Inspektorati i Lartë i Deklarimit dhe Kontrollit të  
Pasurive dhe Konfliktit të Interesit  
z. Shkëlqim Ganaj

**TIRANË**

Avokati i Popullit në ushtrim të kompetencave të përcaktuara në ligjin nr.115/2016 "Për organet e qeverisjes së sistemit të drejtësisë", është duke zhvilluar procedurat që lidhen me mbledhjen e komisionit të pavarur Ad-Hoc që do të verifikojë paraprakisht plotësimin e kushteve ligjore, vlerësimin paraprak të kriterëve profesionale dhe morale si dhe renditjen e avokatëve që kandidojnë për të qenë anëtarë të Këshillit të Lartë Gjyqësor dhe Këshillit të Lartë të Prokurorisë.

Ndër kompetencat specifike që i ngarkohen Avokatit të Popullit në cilësinë e kryetarit të këtij komisioni Ad-Hoc janë edhe kompetencat e renditura në pikën 2, 3, 4, të nenit 31, si dhe në pikën 2, 3, 4, të nenit 129 të ligjit të sipërcituar.

Në zbatim të pikës 3 të nenit 31, dhe pikës 3 të nenit 129, ku përcaktohet se: "Për kontrollin e kushteve të tjera ligjore, kryetari i Komisionit dërgon kërkesa me shkrim në adresë të subjekteve publike dhe private, sipas nevojës", po ju dërgojmë listën emërore të personave të cilët kanë aplikuar si kandidatë për të qenë anëtarë të Këshillit të Lartë Gjyqësor dhe Këshillit të Lartë të Prokurorisë, nga rradhët e avokatisë. Informacioni që kërkohet nga ana juaj ka të bëjë me verifikimin e integritetit dhe figurës së kandidatëve të paraqitur në këtë proces, sipas fushës së veprimtarisë specifike për secilin nga institucionet tuaja. Ky informacion që do të dërgohet nga ana juaj do ti referohet sipas emrave konkret informacionit që mund të disponohet prej jush



në lidhje me ta, për plotësimin e kushteve ligjore për tu zgjedhur, nga ana e kandidatëve për të qenë anëtarë të Këshillit të Lartë Gjyqësor dhe Këshillit të Lartë të Prokurorisë, nga avokatia, të përcaktuar shprehimisht në nenet 19, 21, 117, 119 të ligjit nr.115/2016 "Për organet e qeverisjes së sistemit të drejtësisë".

Duke kërkuar bashkëpunimin tuaj për mbarëvajtjen e këtij procesi, lutemi që informacioni i kërkuar të na dërgohet nga ana juaj brenda shtatë ditëve nga dita e marrjes në djeni të kësaj shkrese tonës.

Bashkangjitur kësaj shkrese po dërgojmë listën emërore të personave të paraqitur si kandidatë për anëtarë të Këshillit të Lartë Gjyqësor dhe Këshillit të Lartë të Prokurorisë, nga avokatia, sipas ligjit nr. 115/2016 "Për organet e qeverisjes së sistemit të drejtësisë".

*Duke ju falenderuar për mirëkuptimin,*

**AVOKATI I POPULLIT**

**Igli TOTOZANI**

The block contains a circular official stamp of the Public Defender of Albania (Avokati i Popullit) and a handwritten signature in blue ink. The stamp features the coat of arms of Albania and the text "REPUBLIKA E ALBANI" and "AVOKATI I POPULLIT". The signature is written over the stamp.